

Ֆինանսական միջնորդների շրջանակ (FIF) – ԷՎՈԿԱԲԱՆԿ ՓՄՁ վարկավորում

Երկիր	ՀԱՅԱՍՏԱՆ
Ծրագրի համարը	53437
Բիզնես ոլորտ	Բանկային
Պետական/մասնավոր	ՄԱՍՆԱՎՈՐ
Բնապահպանական կատեգորիա	Ֆինանսական հաստատություն (ՖՀ)
Հաստատման նախատեսվող ամսաթիվը՝	2025թ.-ի ապրիլի 17
Կարգավիճակը՝	Հաստատված
Ծրագրի ամփոփ փաստաթղթի հրապարակման ամսաթիվը՝	2025թ.-ի ապրիլի 22

Ծրագրի նկարագրություն

Ֆինանսական միջնորդների շրջանակում մինչև 10 մլն Եվրոյի չափով առաջնային վարկի տրամադրում Էվոկաբանկին՝ հայաստանյան միկրո, փոքր և միջին ձեռնարկություններին (ՄՓՄՁ) ֆինանսավորելու նպատակով:

Ծրագրի նպատակները

Ծրագիրը կբարելավի ֆինանսավորման հասանելիությունը միկրո, փոքր և միջին ձեռնարկությունների համար, որոնք մասնավոր հատվածում հանդիսանում են զբաղվածության հիմնական աղբյուր և զգալի ներդրում ունեն Հայաստանի տնտեսության մեջ: Վարկը Էվոկաբանկին հնարավորություն կտա ընդլայնել իր հասանելիությունը և բավարարել միկրո, փոքր և միջին ձեռնարկությունների կողմից երկարաժամկետ ֆինանսավորման չբավարարված պահանջարկը: «Էվոկաբանկ»-ի ուշադրության կենտրոնում կլինեն նաև մայրաքաղաքից դուրս գտնվող մարզային ընկերությունների վարկավորումը և նոր միկրո, փոքր և միջին ձեռնարկություն հանդիսացող հաճախորդների ներգրավումը: Վարկային միջոցների 20 տոկոսը կհատկացվի կանաչ տնտեսության անցման (ԿՏԱ) ուղղված ներդրումներին:

Անցումային ազդեցություն

Վաղ անցումային ազդեցության ցուցանիշը (ETI)՝ 60

Մրցունակ. Էվոկաբանկը կընդլայնի իր միկրո, փոքր և միջին ձեռնարկությունների վարկային պորտֆելը՝ կենտրոնանալով մարզային միկրո, փոքր և միջին ձեռնարկությունների և նոր հաճախորդների ներգրավման վրա:

Դիմակայուն. Էվոկաբանկից ակնկալվում է ապահովել վարկային պորտֆելի բարձր որակ:

Հաճախորդի վերաբերյալ տեղեկատվություն

ԷՎՈԿԱԲԱՆԿ ՓԲԸ

«Էվոկաբանկ» ՓԲԸ-ն Հայաստանում գտնվող միջին չափի բանկ է, որը 2024 թ.-ի դրությամբ բանկային ոլորտում զբաղեցնում է 7-րդ տեղը ընդհանուր ակտիվներով և 8-րդ տեղը վարկային պորտֆելով՝ 5.0% և 4.3% համապատասխան շուկայական մասնաբաժիններով:

ՎՁԵԲ-ի կողմից տրամադրվող ֆինանսավորում

10,000,000.00 Եվրո

Ծրագրի ընդհանուր արժեք

10,000,000.00 Եվրո

Բնապահպանական և սոցիալական ազդեցության ամփոփ նկարագիր

Դասվել է FI կատեգորիայի (Բնապահպանական և սոցիալական քաղաքականություն, 2019թ.): «Էվոկաբանկ»-ը ՎՁԵԲ-ի նոր հաճախորդն է: «Էվոկաբանկ»-ից ակնկալվում է կիրառել իր Բնապահպանական և սոցիալական («ԲևՍ») կառավարման համակարգը՝ իր ենթածրագրերի հետ կապված ռիսկերն ու ազդեցությունները արդյունավետորեն գնահատելու, կառավարելու և վերահսկելու համար:

«Էվոկաբանկ»-ից պահանջվում է համապատասխանել ՎՁԵԲ-ի ՓՄՁ-ների ֆինանսավորման ուղեցույցին և ՎՁԵԲ-ի գործելակերպի պահանջներին՝ ԳՊ 2, 4 և 9-ին, այդ թվում հետևել ՎՁԵԲ ԲՍ բացառությունների և 2019թ. ԲՍԸ ուղղորդման ցանկերին, ինչպես նաև ՎՁԵԲ-ին ներկայացնել բնապահպանական և սոցիալական տարեկան հաշվետվություններ՝ մանրամասնելով համապատասխանությունը կիրառվող ԳՊ-ների նկատմամբ և հասցեագրելով տարվա ընթացքում ի հայտ եկած որևէ ԲևՍ խնդիր:

Տեխնիկական աջակցություն

Վարկը հետ մեկտեղ կառաջարկվի ՓՄՁ բիզնեսի կարողությունների զարգացման տեխնիկական համագործակցության ծրագիր (ՏՀ)՝ «Փոքր բիզնեսների և ձեռնարկատերերի համար վարկավորման գործընթացների և գործելակերպի օպտիմալացում»: ՏՀ նպատակները լիովին համապատասխանում են «Էվոկաբանկ»-ի ռազմավարական զարգացման նպատակներին և կայուն կերպով կաջակցեն Էվոկաբանկի ՄՓՄՁ վարկավորման գործունեությանը:

Հավելյալություն

Ֆինանսավորման կառուցվածք. ՎՁԵԲ-ը առաջարկում է ֆինանսավորում, որը հասանելի չէ շուկայում առկա այլ առևտրային աղբյուրներից՝ ողջամիտ պայմաններով և դրույթներով:

Ընկերության կոնտակտային տվյալները

Լիլիթ Գաբրյան

hello@evoca.am

+37410605555

www.evoca.am

Անցումային շրջանի ընկալումը

[Այստեղ](#) կարող եք լրացուցիչ տեղեկություններ գտնել առ այն, թե ինչ մոտեցումներ է կիրառում ՎՇԵԲ-ը անցումային շրջանում առաջընթացի վրա ազդեցությունը չափելու համար:

Բիզնես հնարավորություններ

Բիզնես հնարավորությունների կամ գնումների համար դիմե՛ք հաճախորդի ընկերությանը:

ՎՇԵԲ-ի հետ կապված (գնումներին չառնչվող) բիզնես հնարավորությունների համար դիմե՛ք.

Հեռ.՝ +44 20 7338 7168

Էլ-փոստ՝ projectenquiries@ebrd.com

Պետական ոլորտում ծրագրերի համար այցելե՛ք [ՎՇԵԲ-ի գնումներ](#):

Հեռ.՝ +44 20 7338 6794

Էլ-փոստ՝ procurement@ebrd.com

Ընդհանուր հարցումներ

Կարող եք անել կոնկրետ հարցումներ՝ օգտագործելով [ՎՇԵԲ-ի հարցումների ձևաթուղթը](#):

Բնապահպանական և սոցիալական քաղաքականություն (ԲՍՔ)

[ԲՍՔ-ն](#) և դրա հետ կապված՝ Գործունեության նկատմամբ պահանջները (ԳՊ-ներ) սահմանում է այն ուղիները, որոնց միջոցով ՎՇԵԲ-ն իրականացնում է իր հանձնառությունը՝ խթանել «Էկոլոգիապես առողջ և կայուն զարգացումը»: ԲՍՔ-ն և ԳՊ-ները պարունակում են հատուկ դրույթներ, ըստ որոնց հաճախորդները պետք է համապատասխանեն տեղեկությունների հրապարակայնացման և խորհրդատվության մասին ազգային օրենքների կիրառվող պահանջներին, ինչպես նաև ստեղծեն բողոքարկման մեխանիզմ՝ շահագրգիռ կողմերի մտահոգությունները և բողոքները ստանալու և լուծումները դյուրացնելու նպատակով, մասնավորապես, հաճախորդի և ծրագրի կողմից բնապահպանական և սոցիալական ասպեկտների կատարողականի վերաբերյալ: Կախված ծրագրի բնապահպանական և սոցիալական ռիսկերի և ազդեցությունների բնույթից և մասշտաբից, ՎՇԵԲ-ը լրացուցիչ պահանջում է, որ իր հաճախորդները, անհրաժեշտության դեպքում, տեղեկություն հրապարակեն ծրագրից բխող ռիսկերի և ազդեցությունների մասին կամ բովանդակալից խորհրդակցություններ անցկացնեն շահագրգիռ կողմերի հետ, դիտարկեն սրանց կարծիքներն ու արձագանքեն դրանց:

Այս կապակցությամբ ՎՇԵԲ-ի գործելակերպի վերաբերյալ ավելի մանրամասն տեղեկությունները ներկայացված են [ԲՍՔ](#)-ում:

Բարեվարքություն և համապատասխանություն

ՎՇԵԲ-ի՝ Համապատասխանության վերահսկման գլխավոր տնօրենի գրասենյակը (ՀՎԳՏԳ) խթանում է լավ կառավարումը և ապահովում բարեվարքության բարձրագույն չափանիշների կիրառումը Բանկի գործունեության բոլոր ասպեկտներում՝ միջազգային լավագույն փորձի համաձայն: Բանկի բոլոր հաճախորդների վերաբերյալ իրականացվում է բարեվարքության պահանջներին համապատասխանության ստուգում-ուսումնասիրություն՝ համոզվելու, որ ծրագրերը չեն պարունակում Բանկի համար անընդունելի ռիսկեր բարեվարքության կամ

հեղինակության առումով: Բանկի համոզմամբ, ծրագրի գնահատման և հաստատման փուլերում խնդիրների հայտնաբերումն ու լուծումը Բանկի գործարքների բարեվարքության ապահովման ամենաարդյունավետ միջոցներն են: ՀՎԳՏԳ-ն առանցքային դեր է կատարում պաշտպանիչ այս գործողություններում, ինչպես նաև օգնում է վերահսկել բարեվարքությանն առնչվող ռիսկերը ծրագրերի հետևերդրումային փուլերում:

ՀՎԳՏԳ-ն նաև պատասխանատու է ՎՇԵԲ-ի կողմից ֆինանսավորվող ծրագրերում կեղծիքի, կոռուպցիայի և չարաշահման կապակցությամբ մեղադրանքների հետաքննության համար: Ցանկացած անձ, ինչպես Բանկի ներսում, այնպես էլ նրանից դուրս, ով կասկածներ ունի, որ առկա են կեղծիքի կամ կոռուպցիայի դեպքեր, պետք է գրավոր գեկույց ներկայացնի Համապատասխանության վերահսկման գլխավոր տնօրենին [Էլ-փոստով՝ compliance@ebrd.com](mailto:compliance@ebrd.com): Խնդիրների մասին բոլոր գեկույցները կքննվեն ՀՎԳՏԳ-ի կողմից՝ հետագա քայլերը որոշելու նպատակով: Քննվելու են բոլոր գեկույցները, այդ թվում՝ անանուն գեկույցները: Չեկույցները կարող են ներկայացնել Բանկի կամ Բանկի գործունեության ցանկացած երկրի լեզվով: Տեղեկությունը տրամադրելիս անհրաժեշտ է դրսևորել բարեխիղճ մոտեցում:

Տեղեկությունների հասանելիության քաղաքականություն (ՏՀՔ)

ՏՀՔ-ն սահմանում է, թե ինչպես է ՎՇԵԲ-ը հրապարակայնացնում տեղեկությունները և խորհրդակցում շահագրգիռ կողմերի հետ, որպեսզի 2020թ. հունվարի 1-ից ուժի մեջ մտնելուց հետո նպաստի ՏՀՔ-ի ռազմավարությունների, քաղաքականությունների և գործառնությունների մասին ավելի լավ իրազեկմանն ու ընկալմանը: Խնդրում ենք այցելել [Տեղեկությունների հասանելիության քաղաքականության](#) կայքէջը՝ պարզելու, թե ինչ տեղեկություն կա ՎՇԵԲ-ի կայքում:

Տեղեկություններ ստանալու համար կարող եք կոնկրետ հարցումներ ներկայացնել՝ օգտագործելով [ՎՇԵԲ-ի հարցումների ձևաթուղթը](#):

Ծրագրերի հաշվետվողականության անկախ մեխանիզմ (ԾՀԱՄ)

Եթե Հաճախորդի կամ Բանկի հետ բնապահպանական և սոցիալական ասպեկտների կամ հրապարակայնացման հետ կապված խնդիրների լուծմանն ուղղված ջանքերն (օրինակ, Հաճախորդի՝ Ծրագրի մակարդակով բողոքարկման մեխանիզմի կամ Բանկի ղեկավարության հետ անմիջական ներգրավման միջոցով) ապարդյուն են, ապա անհատներն և կազմակերպությունները կարող են դիմել ՎՇԵԲ-ի՝ Ծրագրերի հաշվետվողականության անկախ մեխանիզմին (ԾՀԱՄ)՝ իրենց մտահոգող խնդիրների լուծումը ստանալու համար:

ԾՀԱՄ-ն անկախ եղանակով քննում է Ծրագրի հետ կապված խնդիրները, որոնք, ենթադրաբար, վնաս են պատճառել (կամ, հավանաբար, կարող են վնաս պատճառել): Մեխանիզմի նպատակն է աջակցել Ծրագրի շահագրգիռ կողմերի միջև երկխոսությանը՝ շրջակա միջավայրի, սոցիալական ասպեկտների և հրապարակայնացման հետ կապված խնդիրները լուծելու նպատակով, պարզել, արդյոք Բանկը համապատասխանել է իր իսկ [Բնապահպանական և սոցիալական քաղաքականությանը](#) կամ իր՝ [Տեղեկությունների հասանելիության քաղաքականության](#)՝ Ծրագրին վերաբերող կոնկրետ դրույթներին, և, անհրաժեշտության դեպքում, վերացնել այդ քաղաքականություններին վերաբերող ցանկացած անհամապատասխանություն՝ միաժամանակ կանխելով Բանկի անհամապատասխանության դեպքերն ապագայում:

Խնդրում ենք այցելել [Ծրագրերի հաշվետվողականության անկախ մեխանիզմի կայքէջը](#)՝ իմանալու ավելին ԾՀԱՄ-ի և նրա լիազորությունների մասին, ինչպես [Դիմում ներկայացնել](#) ստուգում անցկացնելու համար, կամ կապ հաստատել ԾՀԱՄ-ի հետ [Էլ-փոստով ipam@ebrd.com](mailto:ipam@ebrd.com)՝ ԾՀԱՄ-ի և դիմում ներկայացնելու վերաբերյալ ուղղորդում և լրացուցիչ տեղեկություններ ստանալու համար:

